



**Aningaasaqarnermut Nunamullu
Namminermut Naalackersuisoq**

Dato: 2. september 2014
J.nr.: 01.31.06/14-00673

**Aningaasaqarnermut Akileraartarnermullu Ataatsimiititaliap ataasinngornermi ulloq
25. august 2014-imi aalajangiineranik Naalackersuisunut ilisimatitsineq**

- **Kontomi pingaarnermi 87.75.03-mi Kommunit avatangiisitigut sanaartugaannut tapiissutininut tunngasumi, suliassanut nassuiaatinik allannguneq (Suliaq nr. 01.31.06/14-00673).**

Naalackersuisut **inassutigaaat,**

- ”kontomi pingaarnermi 87.75.03-mi, Kommunit avatangiisitigut sanaartugaannut tapiissutininut tunngasumi, suliassanut nassuiaatit missingersuut ilanngunneqartoq naapertorlugu allanngortinneqassasut.”

Aningaasaqarnermut Akileraartarnermullu Ataatsimiititaliap oqaaseqaatai

- Anartarfilerinermi majorassanut nutaanut aningaasat immikkoortinneqartut eqqaavissuarnut saliinissamat taarsiullugu atorneqarsinnaangorlugit suliassamat nassuiaatit allanngortinneqarnissaat qinnuteqaat una aqqutigalugu Naalackersuisut kissaatigaat.

Tamatumunnga tunngaviuvoq Kalaallit Nunaanni nersutit nakorsaqaarnermut inuussutissalerinermullu oqartussaasut Nakorsaaneqarfillu asattortarfinni atisanillu taarsersuisarfinni eqqiluissaarnissamat piumasaqaataat sanaartugassanut aningaasaliissutininut sinaakkusiussat iluanni naammassisinnaanagit kommunit nalunaarnerat.

Sanaartugassanut aningaasaliissutit tunngavissatut tunniunneqartut malillugit tamakkiisumik atorneqarnissaat periarfissaaruttut APN-imit isigineqarmat Aningaasaqarnermut Akileraartarnermullu Ataatsimiititaliamit paasineqarsinnaavoq. Upernaviulli eqqaani angalaarnermini takusani tunngavigalugit anartarfilerinermik ajornartorsiut aqqinniarlugu suliassap taamaatinneqarnissaanut tunngavissaqanngitsoq ataatsimiititaliaq isumaqarpoq. Anartarfilerinermili atortut anartarfiit imakuinik imermillu errortuivikumik eqqaanermi atorneqartut pillugit nutaamik eqqarsarnissap tunngaviusumik pisariaqartinneqarnera pillugu ataatsimiititaliap Naalackersuisut isumaqatigaat.

Apeqqutit:

Apeqqut 1

Suliassamat tunngatillugu siunertaaqqaartoq pillugu Naalackersuisut erseqqinnerusumik qanoq eqqarsaatersuuteqarnersut paasissutissiissutigineqassasoq ataatsimiititaliamit kissaatigineqarpoq.

Apeqquut 2

Sinerissami anartarfilerinermik isumaginninnermit misilittakkat katersorneqarlutik ilisimasat atorneqarsinnaasut sinerissap sinneranut siammarterneqarnissaat ataatsimiititaliaq assigalugu Naalakkersuisut pitsaasutit isigaat?

Apeqquut 3

Anartarfiit imakuinik imermillu errortuivikumik eqqaanermi ajornartorsiutit siunissami aaq-qinneqarnissaannik suliniuteqarnermi aningaasanik immikkoortitsisoqassasoq aningaasaliis-sutillu taakku kommunitut nammineq atugassanngortinneqassasut ataatsimiititaliatulli Naalakkersuisunit isumaqatigineqarpat? Taamaaliornikkut aningaasat najukkani atugassarititaasut naapertorlugit pitsaanagerusumik atorneqarsinnaassapput.

Apeqquut 4

Puussiarsuit qernertut sungaartullu anartarfilerinermi atorneqartartut passunneqartarnerat pitsaavallaarsorinangitsoq Ataatsimiititaliap Upernaviup eqqaani angalaarnermini nammineq takuaa. Taamaattumik anartarfilerinermi majorassat sumiiffinni atorneqartut atorneqartussatulluunniit pilersaarutigineqartut atorunnaarneqarnissaannut piffissanngunnginnerpa? Ajornartorsiut annertoq tamanna aaqqiiviginiarlugu periutsinik nutaanik sapinngisamik piaartumik nassaarniartoqassasoq ataatsimiititaliamit kaammattuutigineqarpoq. Naalakkersuisut tamatumunnga isumaqataanersut apeqquutaavoq. Eqqagassat eqqiluisaarnerusumik passunneqarnissaannut qulakkeerutaasinnaasunik teknologii nutaaq tunngavigalugu anartarfinnik nutaanik atuilernissaq annertuumik pisariaqartinneqartoq Ataatsimiititaliaq isumaqarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqarluni apeqquateqarlunilu Naalakkersuisut inassuteqaataat Aningaasaqarnermut Ataatsimiititaliamit **akuerineqarput**. Naalakkersuisut akissutaat kalaallisut danskisullu kingusinnerpaamik ulloq 16. september 2014, nal. 12.00 nassiuteq-quneqarpoq assilineralu uunga nassiunneqarluni: sakkak@ina.gl,

Ataatsimiititaliaq sinnerlugu

Jens Immanuelson
Ataatsimiititaliap siulittaasua